

Eddi

Ùn pudiani stà quì
Eddi ùn pudiani stà muti
A mora senza briunà
E senza strapadassi micca

Veda spigna lu soli
Senza dà si di mani micca
Senza pudè si mancu d'ì
Eiu aghju fattu la ma parti.

Allora si sò mossi
Ci vulia à scità si

Imparà, metta i mani
I mani in u lozzu
Buligà in i nosci vai
E tandu ani imparatu

Ripigliu

**Eddi l'arcaichi
I tonti i nucenti
chì cridiani in i steddi
Si sarani sbagliati
Si sarani brusgiati**

**In a notti scura
Cunsumatu a so vita
Ma ani fattu eddi
E ani briunatu
Ani briunatu forti**

**Ch'è no erami vivi
Ch'è no erami quì, no
Chì durmiami tranquillli
Ma l'ani fatta eddi**

Iè l'ani fatta eddi

L'ani capita tandu
Chì ci vulia imparà
Invintà, sciappà
Crià, bisognu à batta si

Ritenalu incù a so vita
Issu tempu di ghjuvantù
Issa scimughjina quì
issa brama di l'avvena
L'ani capita eddi

Ripigliu

**Eddi l'arcaichi
I tonti, i nucenti
Chì cridiani in i steddi
Ani smuntatu i monti
E l'ani sciappati**

**I muri di i nosci prighjò
Bulicatu in a mimoria
In i nostri dulori
E l'ani suniatu
Suniatu maiori**

**Eddi issu paesi novu
Par no invintatu
Iè l'ani invintatu
Ma eiu ch'aghju fattu
Ma ch'aghju fattu eiu**

Issu tempu di ghjuvantù
Issa scimughjina quì
Issa brama di l'avvena
Issa brama di campà
Ma ch'aghju fattu eiu

Saveriu Valentini / Marcu Valentini